

Innspelskjema

Oppsummering

Innspel til temaplan

Planprogram for regional plan for areal og mobilitet

Innsendar

Eg sender inn på vegne av Kommune

Org.nr. 944073310

Namn på kommune FITJAR KOMMUNE

Adresse Postboks 83

Postnummer/-stad 5418 FITJAR

Kontaktperson

Namn Steinar Dalland

Telefon 97046500

E-post fitjar@fitjar.kommune.no

Innspel

Politisk vedtak Fitjar kommune gjev slik høyringsfråsegn til planprogram for Regional plan for areal og mobilitet:

Fitjar kommune meiner at planen vil leggja urimelege føringar for kommunane sitt ansvar for arealplanlegging innan eigne kommunegrenser. Planprogrammet drøftar ikkje kommunane og fylkeskommunen sitt ansvar i høve til arealplanlegging. Dette synes som ein klar mangel i ljøs av det omfattande ambisjonsnivået som ligg til grunn for berekraftig arealforvaltning. I vurderinga av kva grensesnitt planen er meint å ha mot kommunane si planlegging bør det gjerast nokre overordna prinsipielle vurderingar på kva ein regional plan bør ta opp og kva som bør overlatast til kommunane. Erfaringar frå arbeidet med Regional kystsoneplan for Sunnhordland og Ytre Hardanger såg me at fylkeskommunen gjekk svært langt ned i detaljar i sine retningslinjer. Fitjar kommune meiner at fylkeskommunen bør avgrense sin ambisjon til å sjå på tilhøve som ligg i blindsona for den kommunale planlegginga.

Fitjar kommune stiller spørsmål ved om fylkeskommunen har naudsynnte føresetnader for å styre framtidige utbyggingsmønster for bustader, fritidsbustader, næringsareal, friluftsliv med vidare for vår kommune. Slik me les ambisjonane i planprogrammet er dette planen legg opp til.

Fitjar kommune meiner at fylkeskommunen viser ein manglande forståing for korleis dei geografiske tilhøva er i mange kommunar når det står å lese i planprogrammet at ein må «unngå spreidd utbygging som gir auka bilavhengigheit og naturinngrep. Bustadbygging skal bli prioritert der det er god tilgjengelegheit til arbeidsplassar, utdanning, handel og kollektivtransport.» Dette er sjølvsaugt heilt rett der det er fungerande og gode kollektivløysingar, men neppe ein god strategi for ein kommune som Fitjar.

Fitjar kommune meiner også at den arealstrategien som vert lagt opp er svært konserverande og vil gjera framtidig utvikling ennå vanskelegare enn i dag. Fitjar

kommune meiner at fylkesutvalet bør vurdere om UFF metodikken er eigna for desse avklaringane. Fitjar kommune vurderer at denne metodikken har ein skeivheit som slår særleg dårleg ut for kommunar som ennå har relativt store arealressursar.

Bruk av kart og retningslinjer var eit tema i samband med Regional kystsoneplan for Sunnhordland og Ytre Hardanger. For å unngå tilsvarende usemje og påfølgjande klage og mekling på overordna plan bør det politiske styringsnivået i fylkeskommunen leggja føringar på kor langt desse verkemidla skal nyttast. Dette bør avklarast i planprogrammet.

Fitjar kommune har ikkje særskilte merknader knytt til plantema mobilitet og transport, men meiner nok at dette heller kunne vore skildra i eigen plan slik som gjennom Regional Transportplan Vestland. Planprogrammet slik det ligg føre til høyringa synes å handla mykje om areal og lite om transport. Grunnlaget for samordna areal og transportplanlegging er avgrensa i områder der det i realiteten er svært få moglegheiter til å erstatte bruk av eigen bil.

Til slutt vil Fitjar kommune peika på at Regional plan for areal og mobilitet også er føresett å løysa viktige punkt i høve til Regional plan for verdiskaping og kompetanse. Det bør gjerast meir tydeleg i planen korleis den også skal verka til å fremja verdiskaping og omstilling.

Vedlegg

Opplastet

Dokumenttittel	Filnavn	Størrelse
Saksutredning	Høyringsfråsegn Regional plan for areal og mobilitet - samla saksframstilling.pdf	0.37 MB

Relevante lenker

